

31* *Copia di la parte de li habiti di le donne.*

Die XV octobris 1504, in rogatis.

L'anderà parte, che *de cætero* alcuna dona o ver puta de questa cità, o ver habitante in quella, non possino portar alcuna vesta, la qual habia più de quarta una de coda, nè alcuna vestidura, che sia più longa che a raso terra, sotto pena de perder la vesta, o ver investura, et de pagar ducati 25 per una et cadauna volta; et se 'l sarà sartor o ver sartouessa, o ver altri, sia chi esser se voglia, che faci alcuna vesta, o ver vestidura, o ver reconzasse de quelle fusse facte, a le qual facesse più de quarta una de coda a le veste, et le investidure più longe che a raso terra, cadauna a pena de ducati 25 et de star mesi 2 in preson per cadauno, et cadauna volta che contra facessero al presente ordene, de le qual pene pecuniarie la mità sia de l'accusador, et l'altra mità di la Signoria nostra, exceptuando però da questo ordene le veste a manege averte, che portano le spoxe.

Insuper, perchè da pochi zorni in qua alcune done de questa cità hanno principiato a portar veste et investure a la todescha, et chi non li provede tute vorano seguir tal foza, che sarà non senza grandissima spesa de tutti, perhò sia *etiam* statuito, che dicta foza sia bandita, sì che far nè portar non se possi per algun modo, soto le soprascripte pene, sì a quelli de chi fussino le veste, comè a li maestri o ver altri che le facessero, le qual pene siano divise, *ut supra*.

Item, sia preso, che *de cætero* levar non si possi alcuna altra foza, nel vestir de le done, oltra quella se fa al presente, soto le dicte pene.

Præterea, per la parte ultimamente messa in questo consiglio, fu prohibido la foza de le manege a comedo, desonesto et non conveniente a done, niente de mancho fano un' altra foza, più larga et più bruta che prima, il che è contra, la intention di la terra; et perhò sia preso, che *de cætero* far, nè usar non se possi alcuna foza de manege, che dopiade siano in algun luogo più large che un terzo de brazo de seda, soto la sopra scripta pena, sì a chi le facessero, come a chi le portasse, da esser divisa, *ut supra*.

De novo sia preso, che ne le traverse de done, pute et altre, meter per alcun modo non se possi lavori d' oro, d' arzeno, de seda, nè de aze, nè in dicte traverse possi esser lavor de alcuna sorte, nè tessudo, nè altramente, de dicto modo, ma simpliciter

et nude, senza opera o textura de alguna sorte, sotto le pene predictæ.

A dì 20. Fo gran consejo. Et Jo fui in eletione in la quarta, el più vecchio, *quod miror*; et mi tochè 7.º che fo avochato grande.

Item, fo publichà la parte, presa a dì 10 nel consejo di X, zercha il translatar dil cavedal dil monte nuovo, *ut in ea*, che non si possi, si prima non si veda la mare, et chi li fa translatar.

A dì 21. Fo pregadi. Steteno fin 3 horre di notte; fonno su una materia maritima *videlicet* Parlò questi: sier Andrea Venier, el consier, sier Zorzi Emo, savio a terra ferma, sier Pollo Pixani, el cavalier, savio dil consejo, sier Trojan Bollani, savio ai ordeni, qual messe *etiam* la soa oppinioniom. *Quid conclusum nescio*, fo sacramentà el consejo.

Di Franza, di sier Francesco Morexini, doctor, cavalier, orator nostro, date a Orlens, a dì 2 et 7 octubrio. Replicha la publication di lo acordo, nel qual *ex una* la christianissima majestà, *ex alia* el re di romani et l'archiducha di Bergogna, ne la qual se include el papa, con reservar loco ai catholici reali de Yspania, a intrar infra 4 mexi; et Maximiano promete al *roy* farli la investitura dil stato di Milan, *masculis et feminis*; a l'incontro li è promesso franchi 200 milia, la mità *de presentis*, l'altra mità *ad adventum* in Italia, per andar a Roma a incoronarsi. *Item*, certo numero di gente per reputation di la sua majestà. *Item*, promete la fiola dil *roy* al fiol di l'archiducha, con dote di alcuni stati in Franza. *Item*, erano stà designati 3 oratori a Roma, per dar l'ubidientia, et Jo vidi una letera, de 5, di Orlens dil partir quel zorno de li oratori dil re di romani e di l'archiducha de li; sì che il tutto era asetato.

Di sier Francesco Donado, va orator in Spagna, date a Zambrì, in Savoia, a dì 7. Come si havia congratulato con el ducha novo, *videlicet* fradello dil defuncto, nominato ducha Carlo, et scrive i coloquij abuti; et che la madre era zonta li, venuta di Franza, la qual è sorela di monsignor di Foys, primario in Franza; et che esso orator era stà ivi molto honorato, et si partiva per il camin suo verso Spagna.

De Germania, de Ratispurch, di sier Francesco Capello, el cavalier, orator nostro, triplichate. La nova di la vitoria dil re Maximiano in Bormes, in la qual pugna se dicea esser stà morti pochi da la parte dil re, ma ben 2000 di dicti bohe-